

宣城縣志

地

223.65

39

斗

223.65

39

223.65

重修宣城縣志序



自來志乘與治術相表裏其大較也凡表彰前賢鼓勵後學均於是乎在泰來宰是邦四閱寒暑不敢廢事亦不敢喜

事莫與吾民休息稍々培養其元氣暇則與都人士相往還蒐討廢墜網羅散佚於地方建置沿革損益之故罔不切究於心良以扶植風化

修明文教固有司責也
故宣之列庠序者尚不
以風塵吏相訾議當寇
氛肆擾髮逆捻憇蹂躪
殆無虛日惟宣邑被擾
極久極徧以是戶口彫

殘百不存一幸

廟謨指授機宜軍務得以救
定我

國家中興盛業振古鑠今
海內臣民額首共慶而
是處孑遺亦差幸還定

安集焉近今攷其志乘
獨嘉慶間梓本一部僅
存脫日復一日將并此
籟羊而失之咎將誰執
嗜古者徵文考獻故實
毫無不忒輕藝林而羞

當時之士乎於是察輿
情採衆議一時之賢士
君子羣謀所以修輯之
庶土田賦稅政事學校
諸大端皆可按籍而稽
根柢有據即攷鏡有資

志之所係豈淺尠哉惟
是斟酌去取不可不嚴
倘稍涉冒濫則昭示來
許將何所徵信歟舊志
分門二十七卷凡三十
有二今則分門二十九

卷凡四十將相觀而善
士風蒸々日上或亦剝
果蒙泉所藉以發生也
立見竒傑輩出多士思
奮後之有志於文獻者
其必聞此風而興起也

夫時

皇清光緒十有四年春吉

知宣城事李應泰撰



序
天下之大郡縣積之也最
爾一邑治理與天下同而
要以培學校勵風俗為當
務之急
文廟者學校之先資志書

者風俗之微旨也宛陵為
甯郡首會上下數千百年
人物颺舉散見於紀載中
者何堪殫述迺自咸同之
世寇氛肆擾邑幾成墟
文廟僅歸然一殿求所謂

志書獨嘉慶戊辰舊本通
來事蹟曠焉失修考獻徵
文存者什一亡者什九鉅
典淪胥玉於此極欲舉二
者興復而採輯焉豈易
哉廉夏初潤權是邦競

以興學移風為宰職首謁
文廟見文宮牆魏煥上棟
下宇氣象一新旁設公所
詢因
文廟竣事修葺志書諸君
子竭憲殫精歷時幾寒暑

稿甫脫付之剗剗功將告
成既奉卷示廉公餘之暇
悉心披覽其綱舉目張有
條不紊缺者補謬者正斟
酌損益義例精嚴凡建置
沿革星野灾祥山川形勝


田賦戶役一名一物之微
本、原、按籍可考而維
持綱常名彙諸大端不特
官師之德政鄉獻之儀型
文藝武功之彪炳即下逮
匹夫敦獨行靜女夫出貞

窮鄉曲巷之聲光闇淡者
罔不顯出闡微胥感人心
而程後世令俯仰古今恍
然如或接之噫廉欲為而
未及為諸君子已先為之
為之而克善所為此誠私

哀引佩者爾雖然前事不
忘後之師也願繼起者各
思奮興觀乎

文廟志書之成以扶世而
翼教庶幾學校隆風俗茂
蒸蒸日上豈直一邑光乎

即以之勵天下焉可矣
光緒十四年冬至前三日
知宣城縣事湓城范葆廉
謹撰



康熙志舊序

國家有史官載國事太史採列國風是列國各有史也郡邑志者卽列國之史視晉之乘楚之檮杌魯之春秋文有不同遺意則一也宣於江左稱名勝山川秀發人物颯舉往往散見於史傳文集以迄稗官所紀載歲丙寅予啣

命校士宛郡所轄邑各循例以其志進而宣顧闕如蓋自有明以還六邑志統載郡志中厥後他邑踵事增華各志其志宣以附郭與郡爲股肱其志仍統於郡遞經

宣城縣志

卷之首

李序

修輯相沿如故越明年邑令袁君集邑之賢士君子始謀分纂之徵文諮獻博採旁搜無混淆無遺略務使上下數千百年來戶口關隘政事禮樂人品典籍原原委委瞭如指掌夫前事之不忘後事之師也循是宣之人士手一編望古遙集景昔人之芳躅蔚爲名賢降至匹夫匹婦聞風興起油油然勃發其爲善之心志之所係顧不重歟先是試院荒圯士俯眉坐苦蘆下風霾雨露寒暑交侵試者病之袁君慨然捐俸易以瓦厰予按部者再旣便於所有事而志又適

成因爲詳其始末著於簡端太史採風其必以袁君爲賢有司也宣士民祀袁君於遺愛堂以識不忘固袁君之澤維繫民心而宣之風淳俗古亦於是乎可想見矣時

康熙丁卯孟春月提督江南學政內閣學士兼禮部侍郎吉水李振裕撰

邑之有志所以紀一邑之山川人物典故事實使人有所考鏡以感發而興起也由邑志推而進之爲郡志爲省志爲一統志而實則一統志取諸省省志取諸郡郡志取諸邑謂惟是詹詹一方言而苟且載筆其不貽譏大雅者幾何近奉

宣城縣志

卷之首

李序

二

明詔天下郡邑志各加修輯蓋古者陳詩採風意也宣邑志故附郡志中順治癸巳前令山右王君銳然起而修之周諮廣詢迄用有成顧其書仍統以郡無專本予承乏茲土有可以助流聲教者職所當爲不敢辭第事雖沿舊而析郡而邑參互考訂務在精詳其役與創始等因與諸紳士君子議以宣之人考宣之事搜羅稗野補葺遺亡文獻足徵本末具備所爲夏五郭

公魚魯亥豕之疑庶幾其獲免乎夫志者誌也誌官師則有德者書誌紳宦則懋績者著誌媵修則匹夫而表民望誌節烈則女子而箴彤史若夫誌學校之廢興田賦之贏縮戶口之登耗則物產何以阜民生何以遂士氣何以振習俗何以黯其故可深長思也誌於此卽志於彼志也通乎治矣僅侈聞見資其說以此爲算博士掌典故之書夫豈

國家命修志之意哉嗚呼前望古人後顧來者風土民情一編斯在卽其事感於其心以各思興起是則區區捐俸以九成此書之志也夫典吏許震督梓人不數月告竣爲書其大略如此

康熙二十六年蒲月知宣城縣事豫章袁朝選題

乾隆志舊序

我

皇上應圖御宇勤求教養備極安全中外臣工亦罔弗仰體宸衷保愛黎庶唯是直省大僚體專督率迨於邑令實切親民使不諳其山川原隰農功水利以及生齒盛衰閭閻好尚雖學道愛人原本經術而講求泥古致用爲

難正不得隘黑子彈丸視措施爲反手也若然則唯
邑志一書纖巨悉載前人成憲正宜率由卽或殊代
因革所應變通而問途已經弗虞岐路况宛郡之官
邑地廣而僻浮樸相間土壤肥瘠錯出不齊設臨莅
伊始而舊章無稽欲圖教養而勝百里任詎不難哉
於是邑宰吳君參考諸乘 我民人因舊刻漫漶亟
圖修輯開局逾年乃獲成書余讀之卒業喟然嘆曰
有是哉吳君用心之厚也夫有關於前莫爲之繼則
紀載傳聞於焉湮沒將何以昭

宣城縣志

卷之首

序

四

國憲程後世而嘉惠來茲今則缺者補訛者正刪蕪續斷
一展卷而歷朝之損益

昭代之鴻謨疆域之隘塞水道之瀦洩戶口物產之庶繁名
宦先賢之功烈以至草茅纖細之美無不畢盡嗣是
而後宰斯土者庶幾知所考據而於土俗民風得以
因時酌劑無負我

皇上之委任焉則徵諸文獻而穀我士女者甯有紀極乎余
忝守宛郡坐觀厥成實余之幸亦竊抱慙因嘉吳君
之用心而樂爲之序至是書之義例詳密採輯折衷

簡而該覈而不冗則樗園楊太史膺總裁之任而焚膏繼晷以佐筆削者爲邑紳士階亭王君思齋葛君生谷梅君二吉孫君 邑諸生之有文學者以分其勞動也是爲序時

乾隆己未清和之吉知甯國府事平江程侯本譔國家之治莫先教養養則衣食足而人有爲善之資教則禮義興而士無乖違之習宰一邑者勸農桑薄稅斂卽所謂養也尊師儒明禮讓卽所謂教也是二者 文廟與邑志固已兼之入 文廟者讀孔孟程

朱之書而講明夫修己治人之要井田學校次第以施閱邑志者考山川沿革之舊而推究夫人情好尙之殊風俗土田連類以紀故 文廟不惟教而養已具乎其先邑志不唯養而教悉存乎其內也余自雍正十三年承乏宣州首謁 文廟見諸生習禮其中彬彬郁郁已而登城遙望山川秀麗廬舍參差橘柚桑麻令人想秋色人烟之句取志參觀見聞益備然而 文廟幾於傾圮諸賢祔享木主未詳邑志自康熙丁卯以來失記載者將遞甲子核其原委卽父老

傳聞亦不能覩縷矣因是思之 文廟之振新固不可以或緩而一邑志乘如之何其置之膜外也余於文廟努力捐俸并募同志共虔俎豆事詳碑記 文廟甫畢卽從事志書敦請邑之紳士相與虛心商確凡山川星野田賦關梁官師鄉獻孝子貞婦之類或仍乎舊或更以新或補未備或缺所疑務在詳明簡當不溢不支所留意者窮鄉冷巷聲光闇淡之輩力爲搜討得表艱貞至於風氣習尚之異乎前將又恐其靡於後發爲餘論三致意焉宣之殷富遜於曩昔

而老成典型往往以當年之清固爲後起勸然則自今以往絕游惰之萌食時用禮以合乎國奢示儉國儉示禮之旨而士大夫家率爲寬厚長者之行忠以立體恕以達用培養元氣保合太和道衆庶以先路轉相倣效乃不負前後人纂輯此書之遺意也歟我朝聖聖相承教養兼隆卽今拯卹災黎登之安飽窮簷編戶均沾贊育曲阜之宮巍煥肅穆鐫刻諸經史頒行學舍俾士子通經學古以窺內聖外王之緒各省通志精粗巨細無不該貫區區下吏敢不仰體